

¡BOMBA!

Bola cantada y con ira
esa gleba atrabiliaria
suda fiebre inmobiliaria:
Godoy los tiene en la mira



K'intsil

Jueves 4 de diciembre de 2025

CAMPECHE · YUCATÁN · QUINTANA ROO · AÑO 11 · NÚMERO 2620 · www.lajornadamaya.mx

Ko'ojchaj u k'iimbesajil Navidad: xuup ti'al u ma'anal siibalo'obe' ya'abchaj 15 por sientoil ich mexicoil kaaj



Oochel Juan Manuel Valdivia

Mexicoil baatsilo'obe' u k'aato'ob u sats' taak'in, le beyka'aj ku páajtale', ti'al u k'iinilo'ob Navidad, kex tumen jelekbal kóonsumóo, ts'o'oke' náajal taak'ine' tu bin u p'iitchajal. U kóonsultorail meerkadóos Kantare' ku tukultik kaaje' yaan u bo'otik maanal 15 por sientoil ti'al u manik siibalo'ob, keetel yéetel le beyka'aj xupa'ab le ja'ab máaniko'.

U ya'abtal maan ku beeta'al ti'al le 24 ti' diciembrea', nuupul yéetel u maas k'a'abéetkunsal xan u táarjetasil kreeditóo, tumen wiínike'

ku kaxtik bix u p'axik u maan, ti'al beyo' u ch'a'anuktik próomosyoono'ob ku jóok'sa'al je'el bix El Buen Fin, Black Friday wa Cyber Monday, ti'al ma' u p'aatal minaan taak'in ti' máak ti'al u ts'o'okbal ja'ab, tu ya'alaj.

U xaak'alil Navidad 2025: Lo que mueve al consumidor mexicano en Navidad, jts'a'ab k'ajóoltbil le miércoles máanika' tumen u mola'ayil Kantar. Te'elo' ku ya'alal u promeedyoil tojol ku ja'atsal ti'al u ma'anal siibalo'ob te'el ja'aba' ku chukik 6 mil 359 pesos, le je'ela' maanal 15 por sientoil ti' le beyka'aj xupa'ab le ja'ab máaniko'.

Ichil ba'ax a'alab te'el ts'iibo', u 65 por sientoil tojol ti'al u k'iinilo'ob Navidade' yaan u k'a'abéetkunsal ti'al u ma'anal u siibal láak'alo'ob; 20 por sientoe' ti'al u siibal áamigo'ob, yéetel u 15 por sientoil ti'al éet meyajo'ob.

"Maas ma' ya'ab siibalo'ob kun ts'aabili', ba'ale' wiinik maas ya'ab tojol ken u k'a'abéetkuns ti'al u maan. Ma' mejen siibalo'obi', maases ku ch'a'abal uláak' taak'in ti'al u ma'anal uláak' ba'al maas chan ma'alob", tu ya'alaj ti' k'aytajil tsikbal Paloma Sevy,

máax jo'olbeisk kweentáas ich Kantar México.

Xaak'ale' tu chiikbesaje', u 31 por sientoil siibalo'obe' yaan u bo'olchajal yéetel u táarjetail kreeditóo; 29 por sientoe' ku ma'anal yéetel deebitóo; 26 por sientoe' yéetel u taak'inil éefektibóo, yéetel u yalabilo' de jejeláas yaanal bixij. Tu ja'abil 2024e', u 35 por sientoil siibalo'obe' jma'an yéetel u taak'inil éefektibóo; 28 por sientoil yéetel deebitóo, yéetel u 21 por sientoil yéetel u táarjetail kreeditóo.